

天墓
尤也
鉢 鍤上士 遊反 下 楚夾反 鐸也 摺曳 遊反 翻翔 播祥
哀喚 下零帝 反 鶴聲也
反轍 直列 反列 車迹也 列音
腕 手也
滅也 反 犀子廉反 犀羊
齋歲

續高僧傳卷第十二

左五

唐京師普光寺釋道岳傳十
明廣
唐汴州慧福寺釋功迥傳十一
唐汴州安業寺釋神照傳十二
唐蒲州栖巖寺釋道傑傳十三
唐東都天宮寺釋法護傳十五
唐蒲州栖巖寺釋神素傳十四

續高僧傳卷第十三

左六

唐蜀都寶園寺釋玄續傳十六
唐蘇州法流水寺釋慧璧傳十七

釋慧因俗姓于氏吳郡海鹽人也晉太常寶
之後胤祖朴梁散騎常侍父元顯梁中書舍
人並碩學英才世濟其美因稟靈溫裕清鑒
倫通微音深靡縕素鉢屬十二出家事開善
唐終南山玉泉寺釋靜藏傳四
道刪
唐新羅國皇隆寺釋圓光傳五
圓安
唐蒲州仁壽寺釋海順傳六
行支
慧本
唐京師普光寺釋曇藏傳七
唐京師大莊嚴寺釋神迥傳八
玄究
唐京師定水寺釋僧鳳傳九
法位

義解篇九 本傳十七 附見八
唐京師大莊嚴寺釋慧因傳一
法仁
唐安州方等寺釋慧嵩傳二
唐同州大興國寺釋法祥傳三

唐終南山玉泉寺釋靜藏傳四
道刪
唐新羅國皇隆寺釋圓光傳五
圓安
唐蒲州仁壽寺釋海順傳六
行支
慧本
唐京師普光寺釋曇藏傳七
唐京師大莊嚴寺釋神迥傳八
玄究
唐京師定水寺釋僧鳳傳九
法位

滿字之幽旨寫水一器青更逾藍辯後歸靜
山林便以學徒相委受業弟子五百餘人踵
武傳燈將三十載陳太建八年安居之始忽
感幽使云王請法師部從相誼終竹交響當
即氣同捨壽體如平日時經七夕若起深定
學徒請問乃云試看箱內見有何物尋檢有

絹兩束因曰此爲覲遺耳重問其故曰妄想
顛倒知何不爲吾被閻羅王召夏坐講大品
般若於冥道中謂經三月又見地獄衆相五
苦次第非夫慈該幽顯行極感通豈能赴彼
冥祈神遊異域陳僕射徐陵高才通學尚書
毛喜探幽洞微時号知仁咸歸導首隋仁壽

左六

二

三年起禪定寺搜揚寓內遠招名德因是法
門龍象乃應斯會既德隆物議大眾宗歸遂
奉爲知事上座訓肅禪學柔順誘附清穆僧
倫事等威權同思啓旦又寺初勝集四海一
期名德相亞通濟斯美因又寔兼之矣頻講
三論并製文疏要約標控學者高奉大唐弘

運重興佛日舉十大德當其一焉以身御法
不令而行讓以得之屈已成務故京寺宿望
心敬遵承咸崇菩薩戒師後進具戒者無不
依而羯磨左僕射蕭瑀器局貞亮玄風凝遠
刑部尚書沈叔安溫柔弘雅達信通神並崇
仰欽承于茲二紀因定慧兩明空有兼照弘
法四代常顯一乘而莫競物情喜怒無色故
遊其道者莫測其位以貞觀元年二月十二
日卒于大莊嚴寺春秋八十有九未終初夜
告弟子法仁曰各如法住善修三業無令一
生空過當順佛語勿變服揚哀隨吾喪後事
不可矣乃整容如常潛思入定於後夜分正
坐而終咸聞異香滿室遂遷坐于南山至相
寺千時攀轍扶轂道俗千餘人送至城南又
聞天樂鳴空弟子等爲建支提塔勒銘封
樹蘭陵蕭鈞製文仁是鄉人少所恭奉清淨
身心修行念定卑弱著性有名聞學
釋慧嵩安陸人幼入道門即懷遠量收覽經

左六

三

義弘導居心初跨染玄綱希崇大品博聞略究而情阻未申承苞山明法師興皇遺囑出稱郢匠通國瞻仰因往從之諮詢無倦備清遐迹遂得廣流部袤恢裕興焉年方登立即昇法座談撝一指衆侶誼譁受業傳燈分風從化然以法流楚服成濟已聞岷洛三巴尚昏時罔便以法弘導遠化未聞隋大業年汎流江硖雖遭風浪厲志無前旣達成都大弘法務或就綿梓隨方開訓自玉疊僧侶因此開明銜煙揔萃傾味正法而成惠嶠焉無憚遊涉故使來晚去思詠歌滿路又以衆斯毅雜枯折由生焉據法徵治情無猜隱時或不可其懷者計奏及之云結徒日盛道俗屯擁非是異術何能動世武德初年下勅窮討事本不實誣者罪之焉惟道在人弘義須知返乃旋途南指出荆門隨學之賓又倍前集旣達故鄉荐仍前業重張領牒更叙關鍵神望弥高衆聚弥結弊其誼競避地西山之陰

屏退尋閑陶練中觀經逾五載四衆思之又造山迎接處邑傳化焉隨宜利益意引行藏還返安州方等寺講說相續以貞觀七年卒於所住春秋八十有七自焉一位僧伍精勵在先日止一食七十餘載隨得便歛無待營求不限朝中趣得便止所以蜀部艷都芳蕃兼列毎旦填供常充寺門焉並命入僧自無一受旦講若下食惟一椀自餘餅菜還送入僧有學士道勤見其羸弱恐法事稽留爲告外衆令辦厚供焉惟異常推問食所由即令勤出衆永不相襲告曰邪命之食不可御也汝聞吾言而不解教意其守節稟法也如此釋法祥同州人童稚出家清貧寡欲周勤訪道栖止無定冠具已後遵奉憲章刻意鞭後潛心玄曠二敎周廢便從俗吏而抱德懷經禮誦無輒僚佐班列同共嘉尚將欲進位貢入臺府而正性慕道不思榮問乃恣其習業需負而已隋興法現即預出家住大興國寺

志操俊爽言必簡衷立身凜肅不居幽屏常處大房開通前後三十餘年當風而住虛廊其慮門未曾掩坐卧一床讀經爲業道俗問訊者自非讀盡復卷中無涉言故知其容節卷未收者咸私覲已後而奉對詳潛思玄籍博綜多持開蒙引喻言不加飾因染傷寒有

勸藥療者皆無所受但苦邀心隨務量擬或患痢病有加藥者乃曰病者水也不進自除便取乾飯數日便差其執節堅固率皆類此兼又持信標儀不交華薄身令衆範出言歸敬故衆有諸罰詳必先致其詞聞過伏引更不怨及其德耀人神爲若此矣以武德七年沉痾累月素氣綿弱侍者參立乃微言佛像佛像聲旣沉隱初聞未了後思乃悟迴顧看之瞥見尊儀峙然西壁光明宛具須臾漸隱又聞香樂競至情鬱盈房道俗驚嗟又見一群白鶴從西方來繞房三匝翔轉還從來處而去於後少時而卒乃葬于城之東隅傾邑

充衢幢蓋綿亘哀慟之聲流聞遠近釋靜藏俗姓張澤州高都人九歲出家投清化寺詮禪師而爲師主訓誨之至極附大猷進戒已後樂思定業通微盡相宗徒有歸年二十三發弘誓曰丈夫出俗紹釋爲氏豈不欲義流天下名貫玄班者乎承鄉壤大德遠

左六

五

法師勑召在京弘化爲務便往從之未至值遷果非本遂乃遍諸法席聽採經論攝論十地是所偏求還住淨影弘揚所習大業九年召入鴻臚教授東蕃三國僧義九夷狼戾初塗規猷賴籍乘機接誘並從法訓武德初歲太僕卿宇文明達夙昔承奉禁戒是投合門請業用比昭穆勑使達爲河之南北執節招撫綸言旣出將事首途藏送曰世界無常佛有誠諾別易會難先民遺語願常在此奉信在心達以藏風有預聞曾經事驗拜辭曰弟子銜命於不返願師冥道昭助及至相州果爲賊王德仁所害其子世壽奏曰臣父奉勑

安撫竭誠奉國爲賊所害思報皇恩藍田散
谷見有故寺望得爲父修立并度僧二十七人
帝問欲作何寺壽以事諮藏藏曰此山上有
潤玉下有流泉可名玉泉耶壽具奏聞帝依
所請仍延藏往住堂宇廊廟並指搆焉遠近
道俗造山修觀皆遺之法藥安時處順遂復
其性以武德九年十二月因事入京遇染時
患恨終京室春秋五十有六弟子道刪祖習
風範地持一部敷化在心今住終南至相有
名於世

釋圓光俗姓朴本住三韓秦韓辰韓馬韓光
即辰韓新羅人也家世海東祖習綿遠而神
器恢廓愛染篇章校讎玄儒討讎子史文華
騰翥於韓服博贍猶愧於中原遂割略親朋
發憤溟渤年二十五乘舶造于金陵有陳之
世号稱文國故得諮詢先疑詢猷了義初聽
莊嚴是公弟子講素霑世典謂理窮神及聞
釋宗乃同腐芥虛尋名教實懼生涯乃上啓

陳主請歸道法有勅許焉既爰初落髮即稟
具戒遊歷講肆具盡嘉謀領牒微言不謝光
景故得成實涅槃蘊括心府三藏數論偏所
披尋末又投吳之虎丘山念定相公無忘覺
觀息心之衆雲結林泉並綜涉四含功流八
定朋善易擬筒直難虧深副夙心遂有終焉
左六

之慮於即頓絕人事槃遊聖蹤攝想青霄繡
謝終古時有信士宅居山下請光出講固辭
不許苦事遷延遂從其志創通成論未講般
若皆思解俊徹嘉問飛移兼糅以繪彩織綜
詞義聽者欣欣會其心府從此因循舊章開
化成任每法輪一動輒傾注江湖雖是異域
通傳而沫道頓除嫌郊故名望橫流播于嶺
表披榛負橐而至者相接如鱗會隋后御宸
威加南國脣窮其數軍入楊都遂被亂兵將
加刑戮有大主將望見寺塔火燒走赴救之
了無火狀但見光在塔前被縛將殺旣惟其
異即解而放之斯臨危達感如此也光學通

吳越便欲觀化周秦開皇九年來遊帝宇值
佛法初會攝論肇興奉佩文言振續微緒又
馳慧解宣譽京臯勸業既成道東須繼本國
遠聞上啓頻請有勑厚加勞問放歸桑梓光
往還累紀老幼相欣新羅王金氏面申虔敬
仰若聖人光性在虛閑情多況愛言常含笑

慍結不形而牋表啓書往還國命並出自胷
襟一隅傾奉皆委以治方詢之道化事異錦
衣情同散國乘機敷訓垂範于今年齒旣高
乘輿入內衣服藥食並王后自營不許佐助
用希專福其感敬爲此類也將終之前王親
執慰囑累遺法兼濟民斯爲說徵祥被于海

七
左六

曲以彼建福五十八年少覺不愈經于七日
遺誠清切端坐終于所住皇隆寺中春秋九十
有九即唐貞觀四年也當終之時寺東北
虛中音樂滿空異香充院道俗悲慶知其靈
感遂葬于郊外國給羽儀葬具同於王禮後
有俗人兒胎死者彼土諺云當於有福人墓

埋之種胤不絕乃私瘞於墳側當日震此胎
屍擲于塋外由此不壞敬者率崇仰焉有弟
子圓安神志機穎性希歷覽慕仰幽求遂北
趣九都東觀不耐又西燕魏後展帝京備通
方俗預尋經論跨轍大綱洞清纖旨晚歸心
學高軌光塵初住京寺以道素有聞特進蕭

瑀奏請住於藍田所造津梁寺四事供給無
替六時矣安嘗叙光云本國王染患醫治不
損請光入宮別省安置夜別二時爲說深法
受戒懺悔王大信奉一時初夜王見光首金
色晃然有像日輪隨身而至王后宮女同共
覩之由是重發勝心剋留疾所不叉遂差光
於秦韓馬韓之間盛通正法每歲再講匠成
後學贏施之資並充營寺餘唯衣鉢而已
釋海順姓任氏河東蒲坂人容兒方偉音韻
圓亮長面目少巍巍儀服不群於衆有異少
處寒素生於田野早喪慈父與母孤居孝愛

貧無資受業故年在志學尚未有聞乃慷慨辭親脫落求道出家依于沙門道慈孫道光玄曾名扇儒宗具見後傳順躬事學禮晝夜誦經初無暫替文不再覽日殆三千歲登具受履操逾遠志業尤勇念定所持誓無點累仍以威儀嚴著身過可防語笑易爲口非難

護乃因他患緘默不言却掃蓬扉事心而已方以學行之始慧解爲先遂閑討衆經服膺玄宰方等諸部咸稟厥師皆探躋研機遺言領意有栖巖寺沙門神素者性好幽栖尤專大論順遠承奇調思扣冲關乃荷帙登峯諮詢講肆徒屬旣衆鑽仰殊多有所詢求但舉

左六

八

綱要順頗時屢請微以爲繁雖慍色不形而勞心可驗順遂巡退席曰昔陳亢問一得三今者請一蒙二亦何遽乎曰何謂耶答曰一則見忤一則聞義素旣悟其所述因斯自革於是無疑不斷有滯必申至於雜心隱括備在婆沙研精專一始終該統或下山分衛而

執卷披文或企足接明假照尋讀莫不洞開樞要妙鑒幽原順嘗以餘席言於素曰海順曠劫深尤不逢賢聖周旋五趣莫能自免致生茲穢土對此凡緣未能出有欲河登無爲岸將不由心駒失轡而晦沉坑塗者乎因涕泣濡襟歔欷哽塞又曰每念二輪交轍息駕

何由六道長驅思歸無路言及斯事載懷惶悚且生得爲人啓期亡憂於貧賤出家弘道僧度不易於公侯順今兼之一何可慶又以大冥之室仰屬傳燈雖不面奉如來而幸遇法師耳不量短綆輒揆深源願得賜以明珠授之渾浪如此則一生有獲千載無恨也遂

即言笑如常容儀自若素曰敢聞君子志矣恐不副雅懷素後累居僧住果停講席順以法輪罕遇遂欣禪味有沙門道傑者穎秀定慧希慕風景乃致書曰敢稽首大師門下每欲理靜攝心山泉畢志但以無明大夜非慧炬不輝故栖寄法筵聽覽玄旨至於人物聚

集頗勞低仰況乃大限百年小期一念儻從
風燭前路奚憑所以策駑駘之疲想千里之
遠定門玄妙輒希趣入逆其不逮益用盤桓
伏願開含養之懷退人以禮傑得書美其銳
情玄暢也乃報曰促路非騏驥之逸轡灌木
豈是鸞鳳之栖息故當引水而沐枯魚戢翼
而朋寡鶴耳脫其不爾幸無略光陰順得書
會疾遂不果行而爲人高簡雅素自歸清衆
絕交氓俗嘗有說種姓高尚祖禰榮貴者以
誇於順順晚爾而笑曰我釋種餘暉法王之
子尚須謙讓自下不敢傲誕欺人豈期庸庸
之徒翻欲恃鬼陵物遂振手而去故趁時之
士皆不及其門反俗之賓頗入其室而道行
純潔性好追蹤曾刺血洒塵供養舍利兼以
尋付法藏傳說如來涅槃法付承繼迄於師
子罽賓嚮累斯盡詞事既顯若親面焉因斯
悽感涕零如雨曰恨不及彼聖人拔茲沉俗

也又常於宵分歸命三尊同住隣居無得聞
者或解納覆彼寒夫或減食而充餓者志好
恬愉無求知足有贈衣帛者然不以介意曾
從容曰自任則樂而未曾制物從我隨物則
苦而未曾以我違物且鳥不栖淵魚不巢樹
未必解修和讓之道而各得其所宜者亦猶

我不奪物榮物不好我辱矣又作三不爲篇
其一曰我欲偃文修武身死名存研石通道
祈井流泉君肝在內我身處邊荆軻拔劔毛
遂捧盤不爲則已爲則不然將恐兩虎共鬪
勢不俱全永存今好長絕來怨是以返跡荒
逕息影柴門其二曰我欲刺股錐刃懸頭屋
梁書臨雪彩牒映螢光一朝鵬舉萬里鸞翔
縱任才辯遊說君王高車友邑衣錦還鄉將
恐鳥殘以羽蘭折由芳籠食詎貴鉤餌難嘗
是以高巢林藪深穴池塘其三曰我欲銜才
鬻德入市趨朝四衆瞻仰三槐附交標形引
勢身達名超箱盈綺服厨富甘肴諷揚絃管

左六

詠美歌謡將恐塵栖弱草露宿危條無過日
旦靡越風朝是以還傷樂淺非惟苦遙順神
晤駭群出言可錄著集數卷于時真法陵遲
俗尚諛謗訥言敏行者爲愚巧詞令色者爲
智廉潔正性衆或致譏故順理貞直之心居
危不亂涅而不縕可謂懷素風焉有沙門行

友者志行嚴正才慧英悟與順素交因疾參
候順曰先民有言古之學者爲已今之學者
爲人三覆斯言一何可信世人強求知解而
不欲修行每思此言良用悽咽吾謂夷煩殊
惑豈直專在說經以法度人何必要登高座
授非其器則虛失其功學不當機則坐生自
惱友遂製息心論以對之文甚宏冠順曰觀
弟此作理如未盡友曰息心之論應有數篇
謂顯觀述宗釋疑成義但以理玄詞密非當
世之所聞故容與於靈津戢鱗而未進慨時
哉之不遇始絕絃於此耳順乃重說遺教悲
歎無已先有沙門慧本者逸亮高世僧也恩

與順結山林之操會順方學問未暇允之本
獨謝時世罔測所往後每思之言輒悽泣曰
本公若乘龍之遊濯足雲表吾雖攀戀自恨
榮身躋俗昇沉相異徒爲悲矣且忘懷去來
者朝市亦江湖眷情生死者幽栖猶桎梏苟
其性之不失不無居而不安其得志慕情爲

左六

十一

如此也于時卧疾連稔自知不全遺文累紙
呈諸師友而形同骨立情爽逾健旁問後事
順曰患身爲機器暫捨欣然魚鳥無偏水陸
何簡然顧惟老母宿緣業重今想不得親別
矣若棄骸餘處儻來無所見有致煎憊但死
不傷生古言可錄順雖不孝豈敢以身害母
耶既報不自由可側柩相待遂令遜法師說
法領悟欣然須臾卒於住寺春秋三十即唐
武德元年八月十五日也沙門行友者知已
沙門傳致廣其事友今被召弘福充翻譯之
選建名時俗云

釋曇藏姓楊氏弘農華陰人家世望門清心

自遠年十五占者謂爲壽短二親哀之即爲姻媾既本非情慮有推逼遂逃亡山澤惟念誰度行至外野少非遊踐莫知投造但念觀音久值一人見黑而驅二牛因問所從可得宿不便告藏曰西行有寺不遠當至尋聞鍾聲忽見僧寺因求剃落便遂本心即遣出門

可行百步迴望不見久乃天明西奔隴上求法爲務晚還京邑於旌善寺行道受戒聽諸經律意有所昧又往山東彼岸諸師競留對講地持十地名稱普聞故東漸海濱南窮淮服聽涉之最無與爲儔及返京師住光明寺論發新異擅聲日下獻后旣崩召入禪定性釋神迥姓田氏馮翊臨晉人弱齡挺悟辭恩度弘裕風範肅成故使道俗推崇綱維領袖恒爲接對之役也賓客席上之美談叙曠世之能見之今矣大唐御世造寺會昌又召以爲上座撫接長幼殊有奇功貞觀譯經又召爲證義時以藏威列氣遠容止清肅可爲興善寺主藏深懷禮讓用開賢路乃薦藍田化

感寺潤法師焉即依其言舉稱斯目及皇儲失御便召入宮受菩薩戒翌日便瘳勑賜綸數百段衣對亦爾度人三千并造普光寺焉尋又下勅得遙受戒不藏曰地持論云若無戒師發弘誓願得菩薩戒因進論文勅乃以懺詞令藏披讀至皇后示疾又請入宮素患

左六

十三

脣脚勅令輿至寢殿受戒施物極多並充功德至貞觀九年三月十八日終於會昌寺春秋六十有九哀慟兩宮弔贈相次誥葬郊西嚴村起塔圖形東宮詹事黎陽公于志寧爲碑文見于塔所

釋神迥姓田氏馮翊臨晉人弱齡挺悟辭恩出俗遠懷匠石備歷艱虞問道海西包括幽奧博採三藏研尋百氏年未及冠鬱爲鴻彩之能見之今矣大唐御世造寺會昌又召以爲上座撫接長幼殊有奇功貞觀譯經又召爲證義時以藏威列氣遠容止清肅可爲興善寺主藏深懷禮讓用開賢路乃薦藍田化史諷味名篇逸調橫馳頗以此而懷簡傲也

兼以朝諱豪傑辯調內外陵轡倫右誇尚矜莊京邑所推俟王揖仰又以旬暇餘隙遊歷

省臺預是文雄通名謁對或談叙儒史或開悟玄宗優遊自任亦季出縱達之高僧也故華壤英俊爲之謠曰大論主釋迦迦法界多羅一時領以其豎論之時必令五三人別難

後乃摠領通之故懷斯目矣大業十年召入

禪定尋又應詔請入鴻臚爲敷大論訓開三韓諸方士也貞觀三年以正道所歸通務爲則遂擁錫庸蜀流化岷峨道俗虔虔靡若風草法流亹亹所至汪濊以四年七月一日遷於法聚寺春秋六十五矣四衆哀慟悲其爲

左六
十一

法來儀未幾而終素懷莫展益州官庶士俗以同舟列道諍趨奔于葬所素幢竟野香煙蔽空萬計哀號聲動天地於昇遷橋南焚之道遺令也弟子玄誓收其餘柩以納秦中與同學玄究等於終南山仙遊寺北而繕塔焉究爲其文銘于塔所究清貞抱素志樂林泉

頗工篇什時會精越學文驚其藻鏡也未立而終哀傷才府

釋僧鳳姓蕭氏梁高其族祖也曾祖懿梁侍中宣武王大父軌梁明威將軍番禺侯顯者長陳招遠將軍新昌守鳳以族胄青華風望高遠置情恢廓立履標峻昔在志學聰慧

成文翰曾映聲辯超挺所製新文百有餘首冠出儒林識者咸誦固得早發延譽令逸京臯開皇之始僧粲法師名重五都學周八載乃委心請道歸宗師傅粲鑒其精爽美其器略授以真乘開十等之差導以玄辯疎八勢之位鳳雅有幽度領覽無遺勝氣邁於比肩

賦命懷於前達時淪相顧曰師逸功倍聞之昔人冰涼青厚驗之今日會墮煥負圖歷試黃道大業中歲駐蹕南郊文物一盛千年罕及欲以軍威帝業激動鬼神乃高飾黃麾盛下勑曰軍國有容華夷不革尊主崇上遠存

名體資生運通理數有儀三大懸於光宗兩
敬立於釋府條格久頒如何抗禮黃老子女
承聲下拜唯佛一宗相顧峙立沙門明瞻率
先答詔具如別傳然勑頻催何爲不禮鳳時
爲崇敬寺主依例被追乃擺撥直進授引經
論明不可敬之理僉詳贍鳳抗詔之儀可謂

蘭菊各擅其英華竹柏平陳其貞節不可削
也獻后云崩禪定斯構下詔辟召來萃道場
相從講解迄於暮齒善綜引安機要難問失
緒顯論攸歸貞觀中年釋門重闡青田有穢
白首斯興非夫領括無由弘護中書舍人杜
正倫下勅監掌統詳管轄奏召以爲普集寺

左六

古

住尋更右遷定水上座綏緝二寺無越六和
妙達衆心欣其仰止年及縱心更新誠致繁
雜塵境放曠山林言晤相誼終事畢矣有岐
州西山龍宮寺遠來請講深幸素心承彼北
背層巖南臨清渭石鏡耀日松蘿冒空暢悅
幽情即而依赴大開法觀導引慧蹤遂使道

俗來蘇聞所未有既而厚植悽感常志言前
悲各增慨弥時遐想以其年暮月二十三日
因疾終於彼寺春秋七十有七初以疾殛委
卧猶存弘法精爽不移乃力疾而起曰妙法
華經最後言別終須一釋用通累念遂對衆
開之下坐怡然奄尔神逝於岐州陳倉縣龍
宮寺士俗官庶痛心疾首喪我所天非夫陳
述韶穆安覩乃遷靈於縣郭之北原鑿金窟處
之仍施白塔若然望表遠近瞻矚無不涕零
有弟子法位學聲早被言悟清遠以終天難
補英聲易塵匪假陳揚於何取則乃於定水
寺爲建一碑程器萬古其文左僕射燕國公
爲製惟鳳立性矜莊氣厲群伯吐言爽朗晤
涉奔隨以般若爲心因以涅槃爲意得講法
華經百有餘遍製疏命的亦是一家餘諸經
論待時而舉初鳳之往西山便留遺疏述其
遠度累以餘緣恰達彼寺因而不返樂天知
命何以加之故其遺文後偈云

左六

古

苦哉黑闇女 樂矣功德天
愚夫納二邊 我奉能仁教
願闡摩訶衍 成就那羅延
歸依彌勒前

釋道岳姓孟氏河南洛陽人也家世儒學專
門守業九歲讀詩易孝經聰敏強識卓異論
伍父嵩仕隋爲臨淄令治聲遠肅有隱士西

門義者博物疎通伏遁巖谷前後令召莫能
致之至是步自山阿來儀府舍謂銓下吏曰
西門義故遽爲吾白即以事聞令素仰高風
駭其萃止延席曰先生道扇三古德重四民
何能輕舉義曰吾自弱歲隱淪于茲暮齒誠
不欲于遊人世抱誠棄智頃者吠聲既靜則
良政字民五袴興謠兩岐成詠有欣美化故
不以韜隱自私敢叙斯事令述其不逮問其
治術對答若神情兼明舉乃命諸子紹續續
曠岳略等列於義前令其額指義曰府君六
子誠偉器也自長而三州縣之職保家自若
也已下之三其志遠其德高業心神道求解

言外固非世局之所常談也曠年十七遂得
出家操行貞固志懷明約善大論及僧祇深
鏡空有學徒百數禪觀著績物務所高即洛
陽淨土寺明曠法師是也岳十五出家依僧
粲法師爲弟子少樂學問經論是欣及具篇
禁更宗律部指途持犯性不議非而體兒魁

美風操高厲容止儼然不妄交於道俗後習
成論雜心於志念智通二師備窮根葉辨義
斯盡有九江道尼者創弘攝論海內知名以
開皇十年至自揚都來化京輦親承真諦業
寄傳芳岳因從受法日登深解以衆眾事擁
惟其廢習將欲栖形太白服業倫貫時太白
寺慧安者倜儻多知世數闡達方丈一字方
寸千文醫術有工經道偏塗日行四百相同
李父母俗所謂長足安是也岳友而親之便
往投造告所懷曰毗曇成實學知非好攝大
乘論誠乃精微而傳自尼公聽受又渺今從
物化請益無從中路徘徊伊何取適昔天親

菩薩作俱舍論真諦譯之初傳此土情寄於此耳安曰願聞其志岳曰余前學群部悉是古德所傳流味廣周未盡於後唯以俱舍無解遂結於當來耶安曰志之不奪斯業成矣後住京師明覺寺閉門靜故尋檢論文日讀其詞仍洞其義一習五載不出住房唯除

食息初無閑暇遂得繹然開發了通弘旨至於外義伏丈非疏莫了承三藏本義並錄在南思見其言載勞夢寐乃重賂遺南道商旅既懸顧是重所在追求果於廣州顯明寺得俱舍疏本并十八部論記並是凱師筆迹親承真諦口傳顯明即凱公所住寺也得此疏

實賓苟求虛譽遂勞同志二不可也斯過弘矣誠可退迹沉浮更勞重累則不可也安曰功業將成幸無異志嘉會難再無思別慮復延兩載方始出山乃以已所尋知將開慧業遊諸講肆清論莫窮大業八年被召住大禪定道場今所謂大總持寺是也時年四十有左六十七

四少齒登器莫匪先之此時僧衆三百餘人今德風規互相推謝岳以後至名重學不從師雖欲播揚未之有許時有同德沙門法常智首僧辯慧明等並名稱普聞衆所知識相爲引重創爲請主岳攜謙藏器退辯師授徒累清言終懸疎略慧明等越席揚言曰法師何辯耶吾等情均水乳義結相成掩德移機白卒其先志於即慶弔絕緒尋繹追功口腹之累惟安供給時穀食不豐菜色相顧安庶事經勞始無匱乏綿歷歲序厥志彌隆內慙諸己乃謝安曰岳今至愚爲累獨學成識輒密學奧師資縱達一朝誠自誣耳當伺其談不量力欲希非分一不可也食爲民本名作

舉綱頓綱大義斯通雖諍論鋒臨而響應隨遣衆咸不識其戶牖故無理頓聯辯由是名振學宗法筵繼席歲舉賢良推師有寄武德初年從業藍谷化感寺側巖垂乳水岳往承之可得二外懸滴便絕乃曰吾無感也故使輶流遂以殘水寫滴下澗中一心念誦日取

一外經六十日患損方復又至二年以三藏本疏文句繁多學人研究難用詳覽遂以真諦爲本餘則錯綜成篇十有餘年方勒成部合二十二卷減於本疏三分之二並使周統文旨字去意留兼著十八部論疏通行於世以爲口寶又初平鄭國有宗法師者神辯英出時所異之皇上延入內宮立三宗義岳問以八正通局聖賢後責纔施無言以對坐見其屈乃告曰京室學市談行宴希三宗之大於何自指及高祖之世欲使李道東移被于烏服度人授法盛演老宗會貞觀中屢次延兩教時黃巾劉進喜創開老子通諸論道母乃

問以道生一二徵據前後遂杜嘿焉岳曰先生高視前彥豈謂目擊取通乎坐衆大笑而退故岳之深解法相傳譽京國矣至六年秋八月岳兄曠公從化悲痛纏懷徒屬慰曰人皆有死唯自裁抑岳憫淚曰同居火宅共溺愛流生死未斷何得不悲聞者義之以爲善

左六

十八

居道俗之間也貞觀初年有梵僧波頗在京傳譯岳爲衆舉預其同列頗聞善於俱舍未始重之謂人曰此論本國學者之英華浮情不敢措意今言善者不有謬耶因問以大義并諸異論岳隨其慧解應答如流頗曰智慧人智慧人不言此慧吾與爾矣自爾情敦道術厚密加恒八年秋皇太子召諸碩德集弘文館殿講義岳廣開術衍對諸賓酬接覆却神旨標被太子顧曰何處法師若此之辯也左庶子杜正倫曰大德持寺道岳法師也法門軌躅學觀所宗太子曰皇帝爲寡人造守廣名德而此上人猶非受請何耶倫曰

虞舜存許由之節夏禹順伯成之志彼乃俗流猶從矯逸況方外之士棄名之人臣輒從其所好耳乃下令曰今可屈知寺任允副虛襟岳動容辭曰皇帝深惟固本歸誠種覺所以考茲福地建此仁祠廣召無諱之僧用樹無墻之業貧道識量未弘德行無紀今蒙知

寺任誠所不安願垂含恕敢違恩旨屢辭不免遂住普光以貞觀十年春二月遘疾弥留諸治無効春坊中使相望於路遂卒于住寺春秋六十有九皇太子令曰普光寺上座喪事所資取給家_一熙使豐厚無致遺約仍贈帛及脂服法衣等俄而有勑復官給葬儀送

左六

七

於郊南杜城之西隅岳弟明_一身長七尺三寸十九出家志懷遠悟容儀清肅特善涅槃學人從集有聲京洛住東洛天宮寺貞觀九年入朝奉慰時四海令達總集帝京唯岳及略連枝比曜時其美之及事緣將了言歸東夏岳惘然曰吾同氣四人並先即世唯余與

爾相顧猶影自曠師沒後心常怏怏恐藤鼠交侵歎然長逝異生難會可不思耶吾將耄矣其能久乎集會又難余其且止因斯便住恰至明春岳便辭世略之衡疼痛鍾纏結帶疾還寺以十二年卒于所住春秋六十七矣釋功迦姓邊汴州浚儀人年六歲便思出家慈親口授觀音經累日而度自此專訓經法九歲而送在寺年十六捨俗服志願山居因入泰山苦心志倦年二十五便事弘法師私自惟曰拱默山林乃是一途獨善至於導達蒙瞽維持餘寄非化誘不弘住汴州慧福寺昔在山中十地勝境已曾講解及遊城邑人有知者勸而說之遂因闡揚諸經論等亦備敷說晚以法華特為時要便撰疏五卷鎮常弘演前後五十餘遍每至藥草品天必降雨故其幽誠徵感為若此也其佛地般若制疏并講律濟後學聲滿東川又撰無性攝論疏厥功始成奄然長往於本寺年六十六余聞

之行人曰其人少欲自節衣布坐茅所獲利
祿隨時散盡房無遺篋四壁廓然未終之前
異香靈光至所住室二夜四至自觀嘉相門
人同美迥曰願乘此瑞往生樂土因不食二十
日而終所飲井水終日泉竭殯經數日水方復
舊道俗悲涼通感若此

釋神照姓淳于汴州中牟人年九歲隋亂眷
屬凋亡唯母及身萍流無託未幾母崩投造
無指朝求木實夕宿庵所行往見之莫不下
泣年十二投尉氏明智律師而出家焉于時
載揚律藏學徒雲集宇內初定雜粒未充照
述村邑負糧周給年經六祀勞而無倦供衆

左六

共

逐講之初後通冠時人語曰河南一遍照英
聲不徒召余後涅槃華嚴成實雜心隨機便
講曾不辭退又造像數百鋪寫經數千卷任
緣便給不爲藏蓄新譯能斷金剛般若初至
被讀尋括詞義似少一行遂以情側注及後
具本果與符同時咸訝其思力也貞觀中達
疾逾久而戒行無玷卒於安業本寺春秋五十
有九初平素日一狗將養所往恒隨及鄰
大漸長號哀厲通宵向本出家寺往返二百
餘里繞寺號呼以告彼衆素不知也因問後
至方委徇徵及曙還返安業掩坎之後長眠
流淚不食而殂

之暇夜誦法華勝鬘經雖久人無知者受具
聽律每發奇思前學之流驚其迥悟又往鄴
下休法師所聽攝大乘論一遍無遺講散辨
遠休送出寺學門性異休顧曰斯是河南一
遍照也後生領袖余其知之又往許州空法
師所聽雜心論纔始八卷爲師疾而返後因
投聞喜橫水窟真鑒法師瑩鑒其高拔即而

左六

五

釋道傑姓楊其先弘農漢太尉震之後也苗
裔後居河東安邑之鳴條焉天懷穎發廓然
下休法師所聽攝大乘論一遍無遺講散辨
知大略然以宿植德本情厭俗塵父母留戀
遍照也後生領袖余其知之又往許州空法
師所聽雜心論纔始八卷爲師疾而返後因
投聞喜橫水窟真鑒法師瑩鑒其高拔即而

剃落尋與受具令學涅槃等經性淨修明聞持鏡曉後往峴頭山誦法華經月便度深自惟曰經不云乎寧願少聞多解義味欲得通要必俟博遊開皇十四年往青州何記論師所聽採成實纔涉二年功高四載記顧曰吾子形兒傀偉清對有方學淺而思遠吾論其

興矣儻子存於始卒吾當誦而不倦無幾而記遷化遂爾周流齊土時有裴寂安藝並号哲人從之受道多識前令又往滄冀魏念二論師所聽毗曇論又於清河道尚汲郡洪該所俱聽成實始末四載傾窮五聚乃上下搜求以問法主每令該公延頸長息嘗定該義

曰論云唯一苦受而有三差此文非謂以一行苦名爲苦受而隨情說三受正以於一苦受而隨情說三受此是經部師計而跋摩述以爲宗可不爾耶該曰然傑曰若使果起酬因說苦受爲樂受亦可因成因果說惡業爲善業若言善業感樂果善業非惡業亦可樂受酬善因樂受非苦受若言樂受酬善因而體即苦受亦可善業感樂果而體即惡業若言唯是一苦受隨情說妄樂亦可唯是一惡業隨情說妄善此中多句終是一妨遠取伏意覆却例波該于時茫然曰此中頃解聽後私室便曰此子有拔群之亮難與言也吾老矣弘興論道其在子乎由是門人胥伏開皇十九年自衛適鄴聽林法師攝論又於洪律師所聽四分略知戶牖意在小論將事東行屬隋漢王召滄州志念河間法釋長弘并部忽遇斯際即往從之聽仰迦延讀婆沙論首尾三載頗極窮通曾難忘論師曰若觸空非觸入處者亦應識空非識住處若以識非分是識住處者亦應觸非分是觸入處于時念公但含笑直視竟不通之其論道迅猛皆此類也然以先攻小學意爲弘顯大乘仁壽二年又依楞法師聽十地等論爾時法門大敞宗師雲結智景大論十力攝乘兩達涅槃舜

左六

金律部一期摠萃并晉中興乃歷遊講肆觀
略同異凡經六載咸陳難擊故并州語曰大
頭傑難人殺然其例並雖少而一徵一責能
令流汗文帝崩晉陽逆節便還故里講阿毗
曇心又講地持各五六遍自惟曰徒事言說
心路蒼茫至於起慧非定不發遂停講往麻

谷依真慧禪師學坐思擇念慧深入緣起慧
數曰常謂法師等一從名教難偃亂流如何
始習便能住想豈非宿習所致耶後依成實
安般念處兩夕專想觀解大明便謂神素法
師曰昨試依論文安般念觀境界極明而氣
逼上心坐不安席欲除此患終須教遣請撰
諸經安般同異編爲次第將依遣滯素乃取
婆沙成實龍樹蘭若諸部明十六特勝六種
安般之相以示之即依修習更逾明淨又往
麻谷以呈所證慧曰善哉大利根者淋落泉
中諸學坐者未至此處武德元年請弘十地
傑笑曰息駕修禪但名自利已法講揚法化

誠爲利他至於俱利事須商度今當盡語夜
默庶得小大通洽不亦可乎遂即長弘三十
餘遍常隨門學百有餘人堪外化者數盈二
十斯人也剛決忠恕少慾希言擇交選士疎
財薄食苦樂不言喜愠無撓栖巖一衆舉爲
僧主辯不獲免若浮雲焉以貞觀元年七月
左六

九三

二十八日因疾卒山春秋五十五三十六夏
初有桑泉樊綽者前周廢教僧也雖爲白衣
常參法宇傑以國士遇之綽已前亡二女同
夢其父乘虛而至曰吾生西方極樂土矣知
傑師將逝故來迎接因往栖巖其日傑患停
講乃至壽終常見樊綽在傍合衆又聞空中
伎樂異香故其去處雖遠不負弘道之功焉
門人依西闕閣維起塔供養

釋神素姓王字紹則其先太原遠祖勇從宦
虞州遂徙居安邑鳴條之野焉氏族英望無
煩述作少與道傑結張范之好相攜問道儒
學之富禮易是長至於篇什繼美英彩故其

遊學講肆周流國境必與相隨若此人矣所習詞義博覽俊悟則難兄難弟也至於誦經學定當席索隱則後於傑文理會通素則先之為傑出安般念觀令其徙滯如彼傳述大業四年傑公停講學門請素接軫相尋遂從命專講毗曇四十餘遍續講成實將二十遍

自餘小部不足述之其為講也片言契理少語釋多學者玄悟聽覽不倦則傑高於素若多陳同異廣定是非鄭重校角開生覺意則素賢於傑所匠成者則蓋裕隆深英泰之徒是也故晉川禪為素傑二公秋菊春蘭各擅其美然素溫恭退讓慈愛矜恕待士慕賢不為諸衆生曠劫苦行勤求大法流布人天欲使不絕我等雖居一流然佛遺寄未能發揮道業遂有季位在前素雖不肖深懷辜負每欲推命竭愚上干天聽今大運忽臨長辭永別好住努力寬送目極忽然而覺及明莫知凶問領叟信至方知昨逝寬致書述懷與諸門人如彼

伏諸已貞觀二年栖巖大乘請知寺任辨以法事相繼有阻僧綱衆又固請依傑師故事乃許之性寬厚善物性故得上下和睦風塵散靜以貞觀十七年二月二十三日卒於栖巖春秋七十二自一生行業屬想西方於臨終日召門人大眾爰遠家臣與之別已自加

跌坐正威容已令讀觀音經兩遍一心靜聽自稱南無阿彌陀佛如是五六又令一人唱餘人和迄於中夜端坐儼然不覺久逝依即坐殞肌肉雖盡骨坐如初又感祥瑞略故不述初終之夕如仁壽寺志寬法師夜坐如燭夢素來過同牀止息勤勤告別曰如來大悲

左六

九四

氣絕者數四服闋造河北衛部欲學儒術忽
逢勝緣提誘誨以三界牢獄示以四大毒蛇
如不早悟輪迴未已便依而落驟時年十五
也留誦淨名七日便度自是廣訊經誥訪無
遠近遂往志念所聽毗曇法彥所聽成實縱
橫累稔參預前蹤又聽律部薄闇持犯又往

彭城嵩論師所以是攝論命家海內標仰伏
膺請益無所辭焉指授幽明曲盡玄致大業
三年度僧化遠護應此詔名霑安陸俄而有
勑遠召藝能住內道場時年三十有二旣居
慧日高彥成群常講中觀涅槃攝論僞鄭旣
降太宗初入別請名德五人護居其例自此

立六

三五

二十餘篇初士嵩山沙門智大者年九十餘
傲然恬素不出三十餘年聞著杖策而至盡
哀曰經論之士精苦之倫代有人矣至於純
直自然識量通雅者斯人歿後固絕蹤矣中
書杜正倫來吊而銘略之曰伊昔承恩誨深
提耳及茲展覲慟興牀几頽泣可援沉嗟靡

已庶在遐齡永陪高軌

釋玄續姓桑蜀郡成都人出家旣久經綸道
業涅槃成實所學之宗常講法華導引蒙曉
然風彩高峻容止方複言談之際機候變通
達外書工草隸時吐篇什繼美前修又能折
節下人僅少道俗有才調者命來與語愛而

足依任而護獨得於心及唐論新出奄然符
會以爲默識之有人焉貞觀十二年勑召入
龍潛宅天宮寺仍知寺任勉人以德衆穆如
也十七年七月二十一日曛時不豫因卒于
房春秋六十有八護善外書好道術約已薄

狎之至於侯王雄伯名儒大德便傲然特立
不以介意而神爽更高辯洽電疾有梓州東
曹掾蕭平仲者梁高之孫也博學機關當時
絕偶往參談敘文集相示平仲尚之從容曰
仰承高懷幾略諸貴等今蒙禮顧深愧非人
續曰諸貴驕蹇須以驕蹇對之明公況愛故

以況愛相答仲曰法師從來不尙今日忽然
疑是虛談恐非實錄答曰貧道待公之虛實
亦如公遇續之實虛耳相與驩笑嘗爲寶圓
寺製碑銘中有彈老莊曰老稱聖者莊号哲
人持蠻比日用岳方塵屬有祭江道士馮善
英過寺禮拜見而惡之謂續曰文章各談其
左六

美苦相誹毀未識所懷若不除改我是

勑使當即奏聞續曰文之體勢非尙所知若

稱勑使欲相威懾者我寺內年別差人當莊

此是

勑許亦是勑使卿欲奏我我當莊人亦能奏
卿英雖大恨無如之何寺僧五十雖並遲暮

皆順伏之嘗見人述莊子鵬鷁之喻便歎曰
莊蒙以小大極於此矣豈知須弥不容金翅
世界入於隣虛井蛙之智穢人耳目後疾甚
召僧集已罄捨都盡曰生死常耳願各早爲
津濟其夜命終貞觀中矣

釋慧璧姓弘蘇州嘉興人爰初胎孕母絕辛

鯉及誕育後生嫌臭味故始自孩嬰至于七
歲菜蔬飽腹諸絕希求出家依法流水寺嚴
師明教隨順修奉冠肇已後周遊訪道無擇
夷險四論三經諮詢賞要學既明達還返舊
居四遠承風咸來請謁門人來去常數百人
曉夕誨誘樂說無倦背不著席四十餘年老
無父力時撫鬢几貞觀之末年七十餘伊人
不遠辯狀罕傳四遠稱揚但云不可思議大
德也至於登機對晤述作憲章高軌莫聞恐
埋諸古惜哉

續高僧傳卷第十三

左六

第九九册

磧砂大藏經

續高僧傳

沛 滴滿澤中 上烏定 反 摶淚 上音門

軌躅

水灰俱

義解篇十

續高僧傳卷第十四

唐釋

道宣撰

左七

志罔 | 下直車跡也

矯居小反

無壇下音董

憫然上音

耄矣上莫報反

失快快於向反

欸然上許勿反

無壇卒起良反

憫然上許勿反

耄矣上莫報反

老也 | 痘病也

後儀反縣名杞年

玷痕上胡典

捺也 | 疾也

粗才古反

峴頭上胡典

鬼也 | 死也

該古哀反

胥伏上息徐敵昌

唐蘇州武丘山釋智琰傳二

唐蒲州仁壽寺釋道隱傳三

道謙

也 | 蓬字反

後儀反縣名杞年

玷痕上胡典

捺也 | 疾也

粗才古反

峴頭上胡典

鬼也 | 死也

該古哀反

胥伏上息徐敵昌

唐蘇州武丘山釋智琰傳二

唐蒲州仁壽寺釋道隱傳三

道謙

也 | 蓬字反

後儀反縣名杞年

玷痕上胡典

捺也 | 疾也

粗才古反

峴頭上胡典

鬼也 | 死也

該古哀反

胥伏上息徐敵昌

唐蘇州通玄寺釋慧頤傳六

唐蘇州武丘山釋法恭傳八

唐終南山至相寺釋智正傳九

智一

也 | 蓬字反

後儀反縣名杞年

玷痕上胡典

捺也 | 疾也

粗才古反

峴頭上胡典

鬼也 | 死也

該古哀反

胥伏上息徐敵昌

唐襄州紫金寺釋慧棲傳十

唐襄州常濟寺釋智拔傳十一

法長

唐越州弘道寺釋慧持傳十二

也 | 蓬字反

後儀反縣名杞年

玷痕上胡典

捺也 | 疾也

粗才古反

峴頭上胡典

鬼也 | 死也

該古哀反

胥伏上息徐敵昌

唐荊州玉泉寺釋慧瑜傳十三

唐越州嘉祥寺釋智凱傳十四

素挺生知

續高僧傳卷第十三

左六

釋道基俗姓呂氏河南東平人也素挺生知

唐荊州嘉祥寺釋智凱傳十四

唐襄州紫金寺釋慧棲傳十
唐襄州常濟寺釋智拔傳十一
法長

唐越州弘道寺釋慧持傳十二
唐荊州玉泉寺釋慧瑜傳十三
唐越州嘉祥寺釋智凱傳十四